

նից՝ Մարիամ. տեղի բնակութեան ընտրեաց նա զեկեղեցին Հայոց, ուր պաշտի պարտուպատշաճ յարգանքք ուստի սփռէ զմեծ զողորմութիւն »:

Դ. Երգ: — « Մինչդեռ կամօք Որդւոյ Քո, վասն մեզաց մերոց, էանց կամենից ընդ իշխանութեամբ այլազգեաց, և հաւատարիմ ծառայք Քոյին, անձամբ շափ պաշտպան կացեալ Քումդ պատկերի, ծովաշու գնացին ընդ Սեաւ ծով, 'ի խորտակել այլոց նաւուց, նաւն՝ որ բարձեալ տանէր զՔոյդ կենդանագիր, ժամանեաց յանքոյթ նաւահան գիստ »:

Ե. Լիթանիա: — « Սրբուհի Մարիամ, հաստատութեանս այսմիկ (կամենիցի) հաւատարիմ պահապան. Սրբուհի Մարիամ, բազմապատիկ պաշտպան կողմանցս (Փոտոլիոյ) հարստահարելոց յայլազեհից. Սրբուհի Մարիամ, որ յայտնապէս երևեցար այլազգեաց 'ի վերայ որման գաւթի եկեղեցւոյս Հայոց. Սրբուհի Մարիամ, որ գնացեր տարագիր 'ի ձեռն հաւատարիմ Քոց ծառայից և ընդ ծով հասեր զուղի. Սրբուհի Մարիամ, որ հրաշիւք զերծուցեր զծառայս Քո 'ի ծովակուր լինելոյ, և հաներ զնոսա 'ի մրրկաց 'ի խաղաղ նաւահանգիստ »:

Սրբուհի Մարիամ, 'ի Մակեդոնիա հռչակեալ սքանչելեօք:

Սրբուհի Մարիամ, որ յօտարութենէ հասեր յԻլով:

Սրբուհի Մարիամ, որ յելանելն թշնամեաց 'ի կամենիցէ, վաղվաղակի դարձ արարեր 'ի սիրեցեալ Քո տեղին:

Սրբուհի Մարիամ, որ մեծահանգէս պատուով և պաշտամամբ հանգեար 'ի սրբավայր Քոյին. Սբր-